

解州全志卷之一

本州

星野

左傳遷實沉於大夏主參

國語實沉之墟晉人是居

史記晉之疆占於參伐

漢志魏地觜參之分野也其界自高陵以東盡河東河  
內

晉天文志曰自畢十二度至井十五度爲實沈之次於  
辰在申謂之涪灘於律爲仲呂斗建在巳今晉魏分  
野

解州全志

卷之一

本州 星野

一

唐書天文志曰觜觿參伐實沈也初畢十度中參七度  
終東井十一度自漢之河東上黨太原盡西河之地  
古晉魏虞唐耿揚霍冀黎郇與西河戎狄之國西河  
之濱所以設險限秦晉故其地上應天關其南曲之  
陰在晉地衆山之陽南曲之陽在秦地衆山之陰陰  
陽之氣并故與東井通河東永樂芮城河北縣及河  
曲豐勝夏州皆東井之分參伐爲戎索爲武政當河  
東盡大夏之墟上黨次居下流與趙魏接爲觜觿之  
分

前明清類分野書云自畢七度至井八度爲實沈之分




平陽府參分蒲絳吉隰霍解六州皆觜參分

按班氏天文志觜觿參益州其說本於春秋元命苞  
介氏舊志以爲魏分晉地得河內河東數十縣與益  
州渺不相接蒲州府志又力爲之辨謂是觜參益州  
以星爲占且謂益州宜占井鬼而乃占觜參者以梁  
蜀地當西南於魏晉同爲申位故亦得以觜參爲占  
然不如左傳子產之言曰遷實沉於大夏主參之爲  
確實也又晉志以河東入張一度介氏以爲此鶉火  
之次與實沉自別蒲州府志亦謂張爲周星河東近  
接陝洛其星度之鈎帶出入或相及焉要不得謂河

東兼有張分也則張一度之說又不辨而自明矣

參宿圖



解州全志

卷之一

本州 星野

三

丹元子步天歌

總有七星觜相侵兩肩雙足三為心伐有三星足裏深  
 玉井四星右足陰屏星兩扇井南襟軍井四星屏上吟  
 左足下四天厠臨厠下一物天屎沉

占候

參十度上為五星日月中道甘氏曰參為忠良孝謹之  
 子明大則臣忠子孝安吉一日參伐一日大辰一日天  
 市一日鈇鉞又為天獄又主權衡所以平理也又主邊  
 城為九譯故不欲其動也參白虎之體其中三星橫列  
 三將也東北曰左肩主左將西北曰右肩主右將東南

曰左足主後將軍西南曰右足主偏將軍故黃帝占參  
 應七將中央三小星曰伐天之都尉也又曰七將皆明  
 天下兵精也玉井四星在參西右下水象也屏二星在  
 玉井南屏爲屏風玉井東西四星曰軍井行軍之井也  
 軍井未達將不言渴名取此也又曰主軍營之事天廁  
 四星在屏東溷也天屎一星在廁南色黃則吉


解州全志

卷之一

木州 星野

四

觜宿圖



丹元子步天歌

三星相近作參彙背上坐旗直指天尊卑之位九相連  
司怪曲立坐旗邊四鷓大近井鉞前

占候

觜二度在參之右角如鼎足形主天之關明大則天下  
安五穀熟隋志云觜觶爲三軍之候行軍之藏府主葆  
旅收斂萬物明則軍儲盈將得勢動而明葆旅起張衡  
云葆旅野生之可食者坐旗九星在司怪西北主別君  
臣尊卑之位明則國有禮司怪四星在井鉞前候天地  
日月星辰禽獸蟲蛇草木之變與天高同占

沿革

解州於虞夏時為畿內地實冀州之域周武王封其

第十五弟於州北為郇國在州北三十五里一名郇瑕杜註河東解縣西

北有郇城

春秋時晉獻公滅魏以其地為解梁城後又以賜大

夫畢萬左傳惠公許秦河外五城內及解梁即其地也

戰國時屬魏

秦始皇二十二年滅魏為河東郡

西漢初置解縣屬河東郡河東郡二十四縣解為第四

武帝元封五年分天下為十三部部置刺史各一

解州全志

卷之一

本州 沿革

六

人解縣屬司隸校尉部河東郡

昭帝始元元年改屬并州刺史部新莽天鳳元年

改河東為兆陽郡置州牧部監解縣屬州牧部監

兆陽郡

東漢光武建武元年解縣復屬京師司隸部河東郡

魏少帝正始八年以司隸所部三河宏農並冀州之

平陽合五郡置司州領之解縣屬司州河東郡

晉武帝太康元年分天下為十九州省司隸仍置河

東郡解縣屬之晉河東郡九縣解為第七

後魏析置安定縣西魏太和元年改曰南解縣隸秦

州河東郡又改綏化郡又曰虞鄉太和元年分臨

隋為虞鄉縣隸河東郡隸者十縣虞鄉為第九

唐高祖武德二年更名解縣為次畿屬虞州今安別

置虞鄉縣於蒲解之界即今虞鄉縣

正觀十七年廢虞州以解縣省入虞鄉二十二年

復置解縣隸河中府今蒲州

五代後漢高祖乾祐元年九月始置解州治解縣并

割河中之聞喜安邑二縣來屬之舊志乾祐九月乃隱帝非高祖

宋改為中州解為中縣先屬河東路後改屬陝西永

興軍路置防禦金志宋慶成軍防禦領三縣解中聞喜望安

解州全志 卷之一 本州沿革 七

邑緊

金初置解梁郡軍隸河東南路後廢為上刺史解縣

為倚宣宗正祐二年復陞為節鎮軍名寶昌又為

豐寶興寶二軍因鹽利名興定四年徙治平陸縣

元仍名解州為下州解縣為下縣兼置司候司世祖

至元四年以芮城併入平陸司候併入解梁隸平

陽路

成宗元正初復分置平陸芮城領六縣如金舊總

隸晉寧路總管府

明以解縣入州隸平陽府轄五縣曰安邑夏縣聞喜

平陸芮城

國朝因之雍正元年九月陞改直隸州定爲繁難 題  
缺析平陽府之安邑夏縣平陸芮城垣曲來屬之  
七年又析垣曲隸絳州於是領縣四曰安邑夏縣  
平陸芮城編戶三十里

馬氏舊志曰解本渤海去水名其地郇魏諸姬載  
在國詩春秋解梁爲晉內地予大夫萬至斯乃浸  
大要亦畢公高之餘烈也郡縣已後或析或省而  
徙今治而置郡置軍及設防禦節度各從時宜益  
稱巨鎮其仍爲州則自元以來名亦如故揆厥大  
勢蓋南臨陝號東襟汾絳西接蒲津誠河東重地  
云

解州全志

卷之一

木州 沿革

八

介氏舊志曰古魏本姬姓國鄭元詩譜云在禹貢  
冀州雷首之北析城之西南枕河曲北涉汾水朱  
子註魏詩引鄭譜更補之曰今河中府解州卽其  
地也地理志雷首在蒲坂卽條山之首曰北則在  
其陰也析城在濩澤之西南濩澤在今汾晉間是  
解爲古魏無疑乃或又以爲在平陸縣北則以金  
徙治平陸故或以爲在安邑縣則以魏徙治安邑  
故又曰春秋時解爲解梁臨晉爲桑泉地本密邇

相隣然各瓜分碁置至漢置解縣則合而爲一迄  
魏晉不改西魏太和間始置南解縣析臨晉爲北  
解縣岐而二焉至今兩處所轄地仍有犬牙相入  
者蓋其合也久矣

疆域

解州總境

東西廣二百二十五里南北袤一百二十里

東至絳州垣曲縣界二百五里

西至蒲州府虞鄉縣界二十里

南至河南靈寶縣界黃河岸六十里

北至蒲州府猗氏縣界三十里

東南至陝州界黃河岸一百里

西南至閩鄉縣界一百二十里

東北至絳州聞喜縣界一百二十里

解州全志

卷之一

本州

疆域

十

西北至蒲州府臨晉縣界三十里自州治至

京師一千九百八十五里。

安邑縣 東五十五里 夏 縣 東九十五里

平陸縣 東南八十里 芮城縣 西南八十里

解州本境

在山西布政司西南九百三十里

東西廣五十五里南北袤五十里

東至安邑縣界曲村三十里

西至蒲州府虞鄉縣界席張村二十五里至蒲州府

永濟縣治一百二十里

南至芮城縣界橫嶺二十里至黃河六十里

北至蒲州府猗氏縣界曲磬村三十里縣治六十里

東南至平陸縣界三十五里縣治八十里

西南至芮城縣界二十里芮城縣治八十里

東北至安邑縣治五十里

西北至蒲州府臨晉縣界西圪顏村三十里臨晉縣

治七十里

形勝

面石門之嶺背鳴條之崗外則砥柱之險內則鹽池之

饒前人擬為八景曰龍潭春雨曰仙洞桃花曰硝池

解州全志

卷之一

本州 疆域

十一

烟柳曰石巖噴雪曰靜林晚照曰峩眉繞翠曰橫嶺

分雲曰漢宮檜栢

舖遞附

原額設舖遞六處

總舖 在城

洪昌舖

北至總舖十里  
南至芮城嶺上舖十里

胡村舖

東至總舖十里  
西至席張舖十里

席張舖

東至胡村舖十里  
西至虞鄉石衛舖十里

長樂舖

西至總舖十里  
東至張耿舖十里

張耿舖

西至長樂舖十里  
東至安邑李店舖十里

解州全志卷之二 本州

山川

中條山一名陟山西起蒲州雷首延袤數百里迤邐而東直接太行南跨州之芮城平陸北枕蒲郡虞鄉及州之安邑夏縣至絳州垣曲止巉巖峻拔蟠鬱綿亘隸州境者特蒲絳中權山北一帶耳洞谷林澗因地殊名實一山也

紅臉溝西距虞鄉王官峪二十里爲州西境上有靜林寺寺居山麓古栢森蔽空翠襲人

桃花洞在州西南紅臉溝東十五里昔人十月中行中解州全志 本州 山川 卷之二 一

條巖下桃花片片遠浮澗水而至緣澗跡之杳然莫窮其際遂名桃花洞

白龍峪在桃花洞東三里

直岔嶺在白龍峪東八里

荻子峪在直岔嶺少東

五龍峪在州南四里荻子峪東州直南五里又東有石巖巖水束峽峽中半崖懸溜如噴雪卽噴雪巖也上

書酒島二字

青龍峪在五龍峪西

石樓峪在青龍峪西

雷首山在五龍峪南五里

橫嶺在五龍峪南繇峪西上十五里乃中條山脊也上有墩蹟北漢防宋巡邏之路橫嶺南爲山之陽跨芮城平陸北爲山之陰跨解州安邑夏縣

筆架嶺在橫嶺之東上有文筆峰乾隆二十七年知州言如泗建以形家言宜發科第築峰以鎮之

弓張溝在橫嶺北

堡子峪在弓張溝東

仙女洞在堡子峪東一名元女洞其中積水成潭又名黑龍潭

解州全志

卷之二

本州 山川

二

大虎峪在仙女洞東十里峪中有將軍堡堡後有鳳凰翬翬西過連雲棧至橫嶺有陽關寨寨後有膽礬窟其旁有百藥草

膽礬窟有二俱在橫嶺東

白徑嶺在州東南十五里膽礬窟東一名石門 按舊志面石門之嶺背鳴條之岡石壁左右參天路通平陸縣

分雲嶺在白徑嶺東十五里乃中條巔也曩時雲霄俯臨鹽澤下有風谷洞形似半井投葉卽飛出其側有鹽風洞洞口似盆上有天井谷嶺名分雲者以其出雲東西分布也 王緯鹽池廟記條山之下有風谷

焉每仲夏風應候而至則吹砂石摧林木其聲隆隆  
俗謂之鹽南風山西通志作鹽雨風鹽法志鹽花得此一夕而  
成

天井谷在風洞上四面陡絕一徑透巔舊有風神廟  
龍潭洞在州東白家莊由莊南入銅溝八里斗折上東  
崖崖間多懸鐵牌以酬雨也洞口形似銀錠裁容一  
人石角差呀禱雨者以燭引組入可數丈折腰越尖  
石門漸入漸敞上頂胥石稜水繇石罅散下如春雨  
岩間題敕封三島仙姑東面黑龍潭南北五丈東望  
渺無際投瓶挈出有水輒雨若燭滅多迷道云

解州全志

卷之二

本州 山川

三

紫金山在州北二十里舊產人參袤延峨嵎坡逍遙坡此由  
橫嶺北連亘而東者也

逍遙坡在州西北二里女鹽池北岸又名逍遙嶺雍正  
六年鄉人高周等創建茶亭以休行旅州人李霽記  
峨嵎坡在鳴條岡北東自曲沃西抵黃河其陽跨聞喜  
夏縣安邑猗氏臨晉虞鄉滎河州北境亦倚坡焉袤  
延至東五里卽鹽池北岸

靜林澗在青龍峪西源出中條山巔爾雅所謂沃泉懸  
出者也詳見水利

張公泉在靜林澗東三里山谷中遇歲旱命數十老婦

執箕帚劇其泉輒雨

胡村澗在張公泉東五里源出中條山陰

桃花澗在胡村澗東五里源出中條山巔泉流細而緩州人從溝引水穿半岩間甃小磚渠以束之曲折周於簷下每暮春時桃李漫山松柏蔽壑一派清流琤琮不絕洵佳景也

小水澗在桃花澗東二里源出白龍峪

荻子峪水在小水澗東一里北流入女鹽池

大水澗在白龍峪東三里源出五龍峪噴雪巖南十里北流至城南遶城而西會小水澗水入女鹽池水勢

解州全志

卷之二

本州 山川

四

洪迅築五龍堰以防之

堡子峪水在大水澗東二里源出中條山北流入鹽池南溝

解鹽池在州東二里中條山北麓東距安邑縣南十里延袤五十一里廣七里周總一百十六里近安邑者爲東池近州者爲西池池內中塲第九鋪南對小灣子爲解安分界名分爲兩實卽一池名曰解池以州統名也區爲三塲曰中塲曰東塲曰西塲池東西長而南北狹圍以禁墻啟以三門內設斗級外邏巡兵盜取私刮皆有厲禁池外諸澗谷水四面奔趨水溢

則鹽不生故歷代皆築隄堰防之詳見運城志

女鹽池在城西北半里許水經注所謂女鹽澤也

爾雅釋女

爲小如女墻女柔之類是也

唐開元中嘗置女鹽監以董西池池

當中條山谷之下流所瀦客滂爲多溢則水淡生魚乾則水苦生硝硝本鹽類作味苦澁亦名硝池池在禁垣之外盜取尤易嚴禁撈採且勢較東池爲高山谷水漲姚渠漲溢澎湃吞吐東趨禁垣大爲池患築諸堰以防之詳見運城志

六小池在女鹽池西北四里一曰蘇老一曰熨斗一曰夾凹一曰永小一曰賈瓦一曰金井池形方長不一

解州全志

卷之二

本州山川

五

最大者水面不過畝餘形如聚星間亦生鹽半爲硝鹺開元以後總稱西池同隸女鹽池監宋崇寧元年於賈瓦南北圍池修治畦眼拍磨布種得鹽益多後多淤沒荒棄不治明隆慶四年復行開墾撈辦萬歷間御史汪以時垣金井賈瓦永小三池天啟六年御史黃憲卿又於金井南北地中開荒澆曬尋停罷

國朝康熙十九年因大池水患暫開垣西小池澆曬以濟鹽課康熙二十五年大池水退將所開畦井填塞乾隆二十三年又奉文開曬統計永小池周圍四百四十八丈金井賈瓦夾凹三池周圍一千五百八

十丈蘇老池南北長三百零八丈熨斗池南北長二百九十七丈嚴禁附近居民私澆私曬掘挖硝版詳見運城志

姚暹渠古名永豐渠按史後魏正始二年都水校尉元清所開引平坑水西入黃河隋大業間都水監姚暹重開民賴其利因號焉源出夏縣巫咸谷西流五里經夏縣南門外又西五十里經安邑下留村苦池水入之又自安邑城北西流六十里經州北境入虞鄉縣境由五姓湖而達永濟孟明橋歸於黃河統計河渠一百二十里在州境者東自莊頭起西至西辛莊

解州全志

卷之二

本州山川

六

新橋止計三十四里五分長五千六百十二丈七尺河渠兩岸俱有堤堰南堰商修並濬渠底北堰傍堰地主修築唐開元中天水姜師度奉詔鑿無鹽河又

巫咸河

以灌鹽田剗室廬潰邱墓甚多宋仁宗時轉運

使王博文言解州安邑至白家場古永豐渠行舟運鹽不勞民自唐末至五代迄今湮沒水甚淺涸舟楫不行詔相度以聞明嘉靖初御史朱實昌重濬戶部尙書劉璣有記其略曰解鹽池每患水敗自有渠以刷諸水則有所歸濬不致侵入鹽池而其利亦資灌漑國朝屢塞屢濬乾隆十年渠身淤澱商捐濬治